

Behinola,*
ardizain egozen nebarreba bik
suge bat ikusi eben ziri-zara*joiala bidean behera.
Haren atzetik joanda, leza*baten sartu zan mutila.
Lezea iluna zan, baina barrenean argia egoan.

— Zer ete dok argitasun hori? —esanda,
barrurago sartu zan.

Barruko aldetik abots sendo batez

— Nor hau^{zaitugu}? —itandu eutsan norbaitek.

Mutila, mutu.

— Ikusi dok inoiz honelako ikatzik egosten*? —esan
eutsan, barriro berba eginaz lehengoak.

Eta mutilak, ezer esan barik, hartu ikatz apur bat eskuetan
eta kanpora urten eban, argitan hobeto ikusteko.

— Ene, ikatz hau... ez dōna ikatza —esan eutsan
kanpoan egoan arrebeari —urregorria baino!

— Urregorria? —erantzun eutsan besteak —Eskatu egiok^{egiozu} gehiago!

Eta gehiago eskatzen joan zan barriro barrura.

— Hartu, hartu egik^{egizu} gura aina,*—esan eutsan lehengoak—
baina kontuz gero! Isilik ibili... Hor barruan lo dagoan
Basajauntzar hori
itzartuten^{bada} badok... akabau*egingo^{zaitu} hau-eta!



basajauntzar

* behinola = en cierta ocasión
* ziri-zara joan = deslizarse suavemente

* leza = leze, leize, koba
* ikatz egosi = ikatz egin

* ...aina = tanto como...
* itzartu = iratzartu, akordau

* "akabau" = hil, zehetu
* urduri = artega, nervioso

* ...zorian = a punto de
* zirkin egin = mobidu

* ezbeharra = zoritxarra, zorigaitza

Kontuz ebilen gure mutila kolkoa urregorritz beteten,
baina urduri*ebilelako-edo...

DRAK! zaratea egin eban eta Basajauntzar itzartu egin zan.

— Zer izan dok hori? —itandu eutsan honek bere lagunari.

— Ba...ba... —besteak.

Mutilak orduan, alde egin guran, arineketeari emon eutsan.

Basajauntzar-ek ikusi... eta atzetik jarraitu eutsan.

Bizkor joian mutila... bestea barriz bizkorrago!

— Ja, ja, ja! —egiten eban barre Basajauntzar-ek.

Halako baten, harrapatu zorian*eukala...

— **DAN! DIN-DAN! DAN!** —eleizako kanpaiak hasi ziran.

Eta **DRA!** zirkin*egin ezinik gelditu zan Basajauntzar.

Mutila, ostera, bizkor joian aurrera. Eta Basajauntzar-ek
hori ikusirik maldizino hau bota eutsan.

— **Hire^{zure} etxean ez dok ezbeharrik*faltako!**

Eta dinoenez, halantxe jazo zan:

mutilaren etxean hiru anaia hil ziran.

Ipuinak ipuin dira. Antxina
ezbeharren bat jazoten zanean
honelako kontuak etorten jakezan harei burutara
eta sinistu ere sinistu egiten ebezan.